



Dovođenje uhapšenih u Specijalno tužilaštvo na ispitivanje

(Foto: M. Dragojlović)

AKCIJA MARKER Petorica predata Specijalnom tužilaštvu RS

Drogu i oružje prodali prikrivenim istražiocima

Pronađeno četiri kilograma marihuane, 16 kilograma vojnog i plastičnog eksploziva, 12 detonatorskih kapisli i dvije automatske puške

Pripadnici Državne agencije za istrage i zaštitu (SIPA) uhapsili su petoricu osumnjičenih za domaći i međunarodni šverc droge i naoružanja, a za jednim osumnjičenim još se traga. Uhapšeni su Milorad Gligorević i Dragan Okolić iz Modriče, Bogdan Đukić iz Doboja, Željko Đaković iz Kostajnice i Davorin Maksimović iz Bosanskog Šamca.

Odluka o pritvoru

U bijegu je Dražen Zoranović iz Obudovca kod Bosanskog Šamca, za kojim će biti raspisana potjernica.



Istražitelji pratili grupu više mjeseci

Ova organizirana kriminalna grupa razbijena je u akciji

kođnog naziva "Marker 4" prema naredbi Okružnog suda u Banjoj Luci i Specijalnog tužilaštva Republike Srpske, u saradnji sa Specijalnom jedinicom Ministarstva unutrašnjih poslova RS.

Svi osumnjičeni jučer su, nakon kriminalističke obrade u banjalučkom Regionalnom uredu SIPA-e, predati na postupanje Specijalnom tužilaštvu RS.

Osumnjičeni se terete da su, kao pripadnici zločinačkog udruženja, tokom prošle i ove godine na

teritoriji RS nabavljali i prodavali marihuanu i vatreno oružje, municiju i eksploziv. Nakon saslušanja, bit će donesena odluka o eventualnom prijedlogu i određivanju pritvora - izjavila je Dragica Tojagić, portparol Specijalnog tužilaštva RS.

Državna agencija za istrage i zaštitu saopćila je da je tokom akcije pretreseno sedam lokacija u spomenutim gradovima, pri čemu je pronađeno četiri kilograma marihuane, 16 kilograma vojnog i plastičnog eksploziva, više vrsta eksplozivnih sredstava, veći broj municije različitog kalibra, 12 detonatorskih kapisli, dvije automatske puške, jedna poluautomatska i osam lovačkih pušaka, četiri pištolja i drugi predmeti.

Poznati odranije

Izvori upućeni u istragu otkrili su da je grupa praćena više mjeseci, a pali su nakon što su prikriveni istražiocima u više navrata od njih "otkupili" veću količinu droge i naoružanja.

M.KEBIĆ

Krijumčarili ljude

Prema optužnici Tužilaštva BiH iz 2013. godine, Gligorević i Okolić se terete da su u dva navrata tokom 2012. pomagali državljanima Somalije, Afganistana, Eritreje i Sudana u ilegalnom prelasku preko granice. Njih su dvojica uhapšena tada u graničnom pojasu na teritoriji

Kozarske Dubice kada su graničari otkrili dva vozila sa osam stranih državljana bez ličnih dokumenata.

Gligorević se tereti i za sprečavanje službene osobe u vršenju službene radnje s obzirom na to da je prilikom hapšenja udario graničnog policajca u namjeri da pobjegne.